

历代浑源神川诗文 北岳恒山诗文 (3)

塞北北岳恒山浑源特产绿色产品 [浑源名产黄芪](#) [北芪菇](#) 特产杂粮 [浑源凉粉](#) [大豆](#) [莜面](#)

[豆面](#) [土豆粉面](#) [黄糕面](#) [小米](#) [杏仁](#) [各类野山食品](#) 健康生活养生 自用或送礼 均为上品 恒源鸡蛋, 本

地饲养, 质优价平, 保证新鲜. 恒源合作社 山西浑源永安镇西顺(邮编 037400) 产品咨询或订购 电话 手机 138352-04828 电邮
hengyuan@northgreatwall.com 恒源网址 www.hengyuan.northgreatwall.com 本地城内送货上门 外地邮购 网上订购 服务方便
www.hengyuan.northgreatwall

历代

浑源神川诗文 北岳恒山诗文

(三) 宋朝 金朝 元朝(下)

翠屏峰 编辑

题张果老洞

作者:宋朝·赵抃

洞老寿松椿, 高名古绝群. 乱山泉虢虢(水旁), 举世事纷纷. 使者持丹诏, 先生卧白云. 方今莫招隐, 君德正华勋.

悠悠歌

作者:宋朝·张三丰

悠悠歌, 悠悠歌. 四十八岁空消磨, 人生寿命能几何! 株守恒山十六载, 燕赵往来成逝波. 到不如携琴剑, 整笠蓑, 东走蓬莱唱道歌.

松庵

作者:金朝·雷渊

庵中偃卧龙, 阅世须髯古. 人天共扶持, 半夜起风雨.

刘御史云卿挽词

作者:金朝·雷渊

少同里甲早知音,投分交情雨旧金.乡校联裾春诵学,上痒连榻夜论心.南山松桂愁霜殒,北地乾坤恨日侵.不得生邹(无耳)躬一奠,西风吹泪满衣襟.

归潜堂

作者:金朝·薛玄

故山泉石隐栖迟,纬国才名恐回驰.节信诚高方著论,渊明心远更能诗.素琴黄卷真余乐,明月清风无老时.只恐葛龙潜不定,一声雷雨跃天地.

题刘京叔归潜堂

作者:金朝·薛玄

奔走红尘二十年,归来参破净名禅.忙开鞠径成嘉栋,静闭柴门草太玄.千嶂云岚真辋谷,一川风月小壶天.旱时若用商岩雨,应偏齐州九点烟.

登恒山

作者:金朝·海东道人

北岳恒山景最多,崇梯绝壁势嵯峨.仙人蚪篆封鲜苔,古木扎(虫旁)枝苑鸟笩.草色远连天外碧,霞光遥映海中波.最怜此地可归隐,可笑功名未了何.

题刘京叔归潜堂

作者:金朝·薛元曦

孤构茅堂养道真,满前俗事罢纷纷.磻溪夜钓波心月,汾曲春耕陇上云.长笑熊羆劳应梦,直教猿鹤怨移文.近来传得安心法,万壑清风松上闻.

登北岳

作者:金朝·赵秉文

四大神仪一, 群山大茂尊. 奠方荒冀宅, 观礼配天孙. 西送虞渊暮, 东瞻竭石礮. 宝苻临代郡, 铁瓮扼并门. 控赵襟形壮, 包燕气象浑. 九河探禹迹, 完里叫虞魂. 在昔登封始, 前驱羽卫繁. 千官(马并)部曲, 万骑隘山樊. 卜地恒阳曲, 移祠太始元. 荒碑刻岁月, 飞石訇乾坤. 帝秩加黄屋, 官居象紫岵(土旁). 云楣朽芝瑞, 雨砌裂槐根. 天业恢宏大, 山灵诩卫屯. 巫闾归帝制, 长白发金源. 九庙龙盘楼, 三邦蛇势吞. 云烟浮近甸, 日月绕中原. 歛谒天香重, 封题御署存. 银鏐诸产富, 雷雨万灵奔. 神听羞回德, 天聪纳正言. 负时身九死, 去国泪双痕. 日近趋天阙, 生还托圣恩. 许身从稷契, 无术补羲轩. 帝箴长桑洞, 仙岩张果村. 卜居如可近, 重振此山辕.

食松子

作者:金朝·雷思

千岩玉立尽长松, 半夜珠玑落雪风. 休道东游无所得, 岁寒梁栋满胸中.

题西岩

作者:金朝·刘汲

卜筑西岩最可人, 青山为屋水为邻. 身将隐矣文何用, 人不知之味更真. 自古交游少同志, 到头声利不关身. 清泉便当如澠酒, 浇尽胸中泪劫尘.

到家

作者:金朝·刘汲

三载尘劳虑, 翻然尽一除. 园林未摇落, 庭菊正扶疏. 绕屋看新树, 開箱检旧书. 依然故山色, 潇洒入吾庐.

题西岩

作者:金朝·刘汲

人爱名与利,我爱山与水.人乐纷而竞,我乐静而闲.所以西岩地,千古无人看.虽看亦不爱,虽赏亦不欢.欣然会予心,卜筑于其间.有石极峭兀(山旁),有泉极清寒.流觴与跋(示旁),终日斫盘桓.此乐为我设,信哉居之安.

次韵闲闲公梦归

作者:金朝·刘从益

眉间喜色几时黄,满贮羁愁着瘦肠.万里乡关飞不到,十年歧路走空忙.盃心蘸月松梢影,鼻观通风柏子香.最爱南山旧山色,梦中相见不相忘.

和渊明饮酒韵

作者:金朝·刘从益

日入无公事,援琴洗尘喧.秋堂一灯明,清响到夜偏.弹罢枕书卧,渺然梦青山.山英向我问,君驾何时还.家僮忽唤觉,惆怅不能言.

游龙山

作者:金朝·金章宗 完颜憬

参差云影几千重,高出尘寰迥不同.金色界中兜率境,碧莲花里梵王宫.鹤惊秋露三更月,虎啸松林万壑风.试拂花笺为觅句,诗成自适任非功.

赋刘京叔归潜堂

作者:金朝·雷发

贪狼有芒金失光,尘飞四海俱皇皇.我曹散乱之四方,屈指几人来故乡.

题李竹泉先生别业

作者:金朝·雷发

见山亭子景无边,遥与恒宗翠巘连.瑞霭岚光时入望,移山不用靠门前.

过浑源留别田仲祥同知节使

作者:金朝·朱自枚

金台前梦杳无踪,一阻云山莫计重.双鲤附书常不达,两萍浮海偶相逢.燕南落日车分辙,代北春风洒满钟.明日去留牵世务,灯前谈笑且从容.

寄答刘京叔

作者:金朝·王革

十年相望惜睽违,惊见兰章堕客扉.郑子已闻耕有谷,荣公谁念老无衣.水萍落日流无尽,山碍行云断不飞.千古神川亦吾土,几时同采北山薇.

增刘祁

作者:金朝·张特立

陵迁谷变海波翻,筑室渠能返故园.夜雨对床闲炼(金旁)句,春风满堂共开樽.都无北阙功名想,且喜南山气象新.才大到头潜不得,已传华萼出蓬门.

归潜歌

作者:金朝·刘祁

南山漠漠兮,浑水洋洋.桂椒葱蔚兮,松柏青苍.青泉涌其下兮,白日暎以如霜.兕豹踞伏兮,鸾凤翩其来翔.世溷浊而不照兮,蹇羝骋夫先路.荆蓁蔚以蒙达兮,野纵横其豺虎.矧余志之夙迂兮,子罕罕而畴伍.归(与欠)!归(与欠)!其潜于南山之下.

潜于晨摯之侣归兮,潜于渔望之徒兮,顾惟不肖,岂敢与惧兮!惟兹一堂,有琴有书兮,学其所

不知,求进圣途兮.潜乎!潜乎!亦可以为娱兮.嘻!

送仲常游北岳

作者:元朝·刘因

大茂元都必(门边),它山拱万灵.风霆凛神化,河海尽襟形.昂毕空留影,幽并未了青.追风王制变,僭祀世尘腥.礼乐心虽切,烟霞骨有铭.长怀七十户,为我谢仙扁.

增刘祁

作者:元朝·高鸣

黄鹄入寥廓,龙性何能训?英英刘处士,天子不得臣.卧老草堂月,吟尽南山春.野饭足藜藿,幽兰充佩纫.一杯石上酒,静见天地真.万虑此都寂孰知名与身.灵运卧岩幽,子陵钓渚滨.神超物不违,异世等达人.我无玄豹姿,亦欲事隐沦.空歌紫芝曲,早晚由东邻.

追挽归潜刘先生

作者:元朝·王恽

我自髭髥屡拜公,执经亲为发颡蒙.道自伊洛傅心事,文擅韩欧振古风.四海南山青未了,一丘洹水恨何穷?泫然不为山阳笛,老屋吟看落月空.

恒源合作社为您提供 **塞北北岳恒山浑源特产绿色产品** [浑源名产黄芪](#) [北芪菇](#) 特产
杂粮 [浑源凉粉](#) [大豆](#) [莜面](#) [豆面](#) [土豆粉面](#) [黄糕面](#) [小米](#) [杏仁](#) [各类野山食品](#) 健康生活养生 **自用或
送礼 均为上品** 恒源鸡蛋,本地饲养,质优价平,保证新鲜.恒源合作社 山西浑源永安镇西顺(邮编 037400) 产品咨询或订购 电
话 手机 138352-04828 电邮 hengyuan@northgreatwall.com 恒源网址 www.hengyuan.northgreatwall.com 本地城内送货上门 外地邮购 网
上订购 服务方便 www.hengyuan.northgreatwall.com

塞北网浑源网页 www.hunyuans.northgreatwall.com 致力于弘扬塞外名城浑源北岳恒山文化, 建立让世界了解浑源和浑源了解世界的窗口, 为浑源特产提供走向世界的平台, 为各地人士选购和享用塞北浑源北岳恒山健康特产食品提供优质服务.

Copyrights by 塞北网(www.northgreatwall.com), All rights reserved. 版权所有, 免费下载仅供个人阅读使用, 不能用作商业和其它用途. 若欲用作商业和其它用途, 请联系塞北网浑源网页(www.hunyuans.northgreatwall.com).
